



Broj: 02-02-1-275/23
Sarajevo, 07.03.2023. godine

n/r: Direktor

Predmet: Zajednički nastup bh firmi na III Međunarodnom sajmu potrošačkih proizvoda „China-CEEC Expo“ - 16.-20. maj 2023. godine, Ningbo (NR Kina)

Poštovani,

Obavještavamo Vas da su organizatori sajma „China-CEEC EXPO“ uputili poziv Vanjskotrgovinskoj komori BiH da i ove godine organizuje zajednički nastup bosanskohercegovačkih firmi na III Međunarodnom sajmu potrošačkih proizvoda „China-CEEC Expo“ koji će se održati od **16. do 20. maja 2023 godine** u gradu Ningbo (NR Kina).

Ova izložbena manifestacija se organizira u okviru sveobuhvatne inicijative NR Kine koja ima za cilj jačanje saradnje sa zemljama centralne i istočne Evrope (tzv. CEE region). Među brojnim manifestacijama su i međunarodni sajam koji je fokusiran na poljoprivredno-prehrambene i potrošačke proizvode, zatim investicijski i poslovni forumi te različite konferencije. Glavni organizatori manifestacije su i ove godine Ministarstvo trgovine NR Kine, Narodna vlada Provincije Zhejiang i opština Ningbo.

Sajam će biti održan u prostorijama novoizgrađenog Međunarodnog konferencijskog centra Ningbo na površini od 11.000 m² a predstaviće se izlagači/ kompanije iz svih 16 zemalja CEE regiona. Vanjskotrgovinska komora BiH zajedno sa organizatorom Sajma kompanijama iz BiH nudi posebne uvjete izlaganja i to:

- besplatan dio uređenog prostora sa osnovnom opremom u okviru zajedničkog bosanskohercegovačkog štanda;
- besplatan prijevoz za učesnike od aerodroma u Šangaju do Ningba (pri dolasku u Kinu i povratku u BiH);
- besplatan prijevoz za učesnike od hotela do sajmišta u toku trajanja Sajma;
- besplatna dodatna promocija kroz zajednički katalog izlagača iz BiH;
- sufinansiranje troškova zbirnog transporta eksponata i troškove carinske procedure od BiH do luke Ningbo (maksimalno do 50 kg ukupne težine po kompaniji);
- besplatan transport eksponata od luke Ningbo do sajmišta (na teritoriju Kine); i
- pomoć pri rezervaciji smještaja sa liste preporučenih hotela.

Kompanije/izlagači će snositi vlastite putne troškove (avio karte), troškove smještaja za svoje predstavnike te dio troškova transporta eksponata (preko 50 kg težine).

Na Sajmu se mogu izlagati sljedeći proizvodi:



- poljoprivredno-prehrambeni proizvodi, osim onih za koje postoje zabrane (npr. proizvodi animalnog porijekla);
- vino i bezalkoholna pića;
- robe široke potrošnje;
- usluge IT industrije (digitalna rješenja, umjetna inteligencija, 5G tehnologija, i sl.);
- medicinska oprema; i
- turističke usluge.

Pravo na prijavu imaju samo kompanije koje uredno izmiruju obaveze članarine prema VTK BiH. U prilogu također dostavljamo i brošuru sa više informacija o samom sajmu.

Pozivamo sve kompanije iz navedenih sektora koje su zainteresirane da izlažu na ovom sajmu da nam **najkasnije do 17.03.2023. godine** dostave popunjen prijavni fomular (u prilogu) putem e-maila na adresu stanislava.perisic@komorabih.ba ili fax-a 033 214 292.

S poštovanjem,

DIREKTOR
Enes Ališković



Prilog:

- Obrazac za prijavu
- Brošura o sajmu